



UNIVERSITÄTS-
BIBLIOTHEK
PADERBORN

Antiquae Lectionis Tomus ...

In Qvo XVI. Antiqua Monumenta Ad Historiam Mediae Aetatis Illustrandam,
Nunquam Edita

Canisius, Heinrich

Ingolstadii, 1601

In Epistol. XXXVIII.

[urn:nbn:de:hbz:466:1-64144](https://nbn-resolving.org/urn:nbn:de:hbz:466:1-64144)

fertim cum dicat: Vitam S. Vedasti, &c. emendare studui. In Suri editione talis est inscriptio: Dulcissimo dilectionis filio Radoni Abbati, humilis Leuita Albinus salutem.

fol. 24.

Patris vestri) Colligo ex his verbis Radonem Abbatem fuisse monasterij S. Vedasti: quod anno 937. adhuc floruisse Frodoardus in Chronico testatur.

IN EPISTOL. XXXIV.

fol. 78. v. 12.

Petro Archiepiscopo) Sed cuius hic Archiepiscopus? Mediolanensis, quem Panvin. quinquagesimum: Borrom. quinquagesimum secundum, & Carolo Magno percharum fuisse ait. Extat breuiter Petri, qui & Odradus dictus est, epistola elegantissima ad Carolum M. de translatione S. Augustini Papiam anno 725. facta.

21. Altitudines alpium) Alpium meminit, quod ea inter Gallias, ubi Albinus agebat, & Italiam sita.

IN EPISTOL. XXXV.

fol. 30.

Germano) Cuius hic Aquila Antistes? Iuuauensis. Illidem quem epist. 20. ad Iuuauenses, germanum suum appellat. Pro patri, Aquila, Pontifici, germano meo, pastori vestro.

IN EPISTOL. XXXVI.

fol. 22.

Filio meo Alta Petra) Reperio in diuisione Ludouici & Caroli. Altam Petram, nomen loci, post S. Ursam in Saledoro, & Grandiualem.

fol. 83. v. 4.

Ad imalicium) forte legendum, ad iudicium.

IN EPISTOL. XXXVIII.

fol. 87. v. 15.

Pompaticis carnem induis vestimentis) Eum, quem Alcuinus hic ob affectatum vestium splendorem, reprehendit fuisse Clericum, patet ex his verbis: Tu sacri altaris minister; tu summi honoris socius. Audiamus Sidonium nitorem cultus in Ecclesiastica

fasciis homine reprehendentem: Habitu cultuque conspicuo, inquit libro 4. epistola 13. non iuuenescit solum, sed quodammodo repuerascit. Enimuero vestis astricta, tensus cothurnus, crinis in rotæ specimen accisus, barba intra rugarum latebras merfis ad cutem secta forpicibus, &c. professione religionis arrepta, viribus potius resurgentis innocentia conualescat. Vbi notandum est, veteres Francos adstrictis vestibus vsos. De quibus Sidonius carm. 2.

Strictius assuetæ vestes procera coërcent
Membra virum.

al. assuetæ.

Sicut & de Gothi Sidonius lib. 4. epist. 20.

21. Longo fasciarum nexu ligari) Scio Græci & Romanis fuisse periscelides. Sed longe alia Franci in vsu: quæ quales fuerint, colligimus ex iis, quæ Sangallensis de gestis Caroli Magni: Erat antiquorum ornatus vel paratura Francorum, calceamenta forinsecus aurata, corrigiis tricubitalibus insignita, fasciolarum crurales vermiculata, & subtus eas tibialia ac coxalia linea, quamuis ex eodem colore, tamen artificiosissimo opere variata, super quæ & fasciolas, in crucis modum intrinsecus & extrinsecus, ante & retro, longissimæ illæ corrigiæ tendebantur. Non ita Gothi, de quibus Sidonius lib. 4. epist. 20. Genua, crura, suræq; sine regmine. Melius vsus fasciarum, quibus & plantas & crura involuebant Franci, intelligere poterimus ex Sidonio lib. 8. epist. 11.

Perges sic melius volante saltu,

Si vestigia fasceata, nudi

Per summum digiti regant, citatis

Firmi ingressibus, atq; vinculorum

Concurrentibus ansulis reflexa.

Ad crus, per cameram cathena surgat.

Quorum duos ultimos versus, nemo melius explicet, quam idem Sidonius, qui Carm. 2. quomodo in obstrigilo (ita enim hoc calceamen-

Oooo

ti ge-

ti genus vocari à Glossog. vet. m. s. testatur Sauaro) per cameram
catheasurgat, eleganter ostendit:

Perpetuo stat planta solo, sed fascea primos
Sistitur ad digitos, retinacula bina cothurnis
Mittit in aduersum vineto de fornice pollex,
Quæ stringant crepidas: & concurrentibus ansis
Vinclorum pandas texant per crura catenas.
Meminit quoq; buismodi fascearum, historia S. Eugendi:
Constrictus ocreis crura, fasciisq; plantas.

IN EPISTOL. XLI.

fol. 90. v. 20. **D** Amœta) Fuisse hunc virum illustrē, domi militiaq; strenuum,
patet etiam ex epist. 47. ubi hunc in exercitu Caroli M. Saxo-
nes debellaturi luri dicundo fuisse præfectum, liquet ex his: In diuer-
sarum auditu causarum, iustitia semper resonet in ore.
25. Quot dentes) Ne mireris, quod vir illustris Alcuino pecti-
nem dono mittat. Certè Bonifacius Edelburgæ Regina pectinem
eburneum auratum dono misit, ut patet ex epist. quam Henricus
Huntindoniensis lib. 3. hisc. citat.

fol. 91. v. 1. **Placare capillos)** in m. s. vitiosè: placere. Si quis occasione
ius eburnei pectinis, dono misit à Damœta, velit colligere, temporibus
Alcuini Clericos comam promississe; huic quò minus assentiar, facit Si-
donius: qui epist. 24. lib. 4. habitum Clerici describit: Habitus vi-
ro, gradus, pudor, color, sermo religiosus, tum coma breuis,
barba proluxa. Quod Alcuini atate durasse credo. Sacerdotes comam
non nutriuisse, patet ex Concilio Carthagin. 4. Can. 44. Clericus
neq; comam nutriat, neq; barbam radat. Idem Eucherius hom.
plurim. mart. ex decreto Cniceti Papæ 23. distinct. cap. prohibet.
Isidorus l. 2. ca. 4. de offic. Ecclesiast. Epiphanius heresi 80. & in Com-
pendiario fidei Apostolica. Vide quæ notat Sauaro.
5. In absentia longinquitate) Eidem Damœta inscripta est
subsequens epist. 47. & 51. in eodem itinere commoranti, ut appar-
et dum scilicet Carolum Magnum in Saxones mouentem, comitatus.
Valde